

Na osnovu člana 16. stav 1. tačka 1. Zakona o zaštiti od požara i vatrogastva ("Službene novine Federacije BiH", broj 64/09 i članova 8. i 9. Zakona o nadležnosti organa vlasti Kantona Sarajevo u oblasti zaštite od požara i vatrogastva ("Službene novine Kantona Sarajevo", broj 23/11) i člana 104. Statuta Općine Ilijaš - prečišćeni tekst ("Službene novine Kantona Sarajevo", broj 29/09 i 46/18), Općinsko vijeće Ilijaš, na svojoj 44 sjednici održanoj 29.07.2020 godine donosi:

ODLUKU

o usvajanju "Plana zaštite od požara za područje općine Ilijaš"

POGLAVLJE I. Osnovne odredbe

I

Ovom Odlukom usvaja se "Plan zaštite od požara za područje općine Ilijaš", koji čini sastavni dio ove Odluke.

II

Plana zaštite od požara kao temeljnog dokumenta za provođenje preventivnih mjera zaštite od požara, a koje su sastavni dio mjera zaštite i spašavanja ljudi i materijalnih dobara, te Planova zaštite i spašavanja, propisana je Metodologijom za izradu procjene ugroženosti od požara („Službene novine Federacije BiH", broj 08/11), a u skladu sa Zakonom o zaštiti od požara i vatrogastvu („Službene novine Federacije BiH", broj 64/09), gdje su propisani načini izrade planova zaštite od požara za razne nivoe organa, počevši od Federalnog nivoa pa do pravnog lica. Između ostalog ovim dokumentima se pored načina izrade samog Plana zaštite od požara definiše i postupak usklađivanja, ažuriranja i čuvanja Plana zaštite od požara.

III

- (1) Plan zaštite od požara čine sastavni dio jedinstvenog sistema zaštite i spašavanja ljudi i materijalnih dobara od prirodnih i drugih nesreća. Isti obuhvata skup mjera i radnji upravne, organizacijske, stručne, tehničke, obrazovne i propagandne prirode, a u cilju sprečavanja izbijanja požara i njegovog širenja, te zaštite ljudi, biljnog i životinjskog svijeta, materijalnih, kulturnih i drugih dobara i okoliša.
- (2) Zaštita od požara je djelatnost od posebnog interesa za Federaciju, Kanton, grad i općinu, koja se ostvaruje na način predviđen Zakonom o zaštiti od požara, podzakonskim propisima donesenim na osnovu tog zakona i međunarodnim tehničkim normativima i standardima koji važe u Bosni i Hercegovini.

IV

Zaštitu od požara organizuju i provode pravna i fizička lica (građani), organi vlasti Općine i druge institucije koje su vlasnici ili korisnici građevina, prostora šuma, šumskog ili poljoprivrednog zemljišta i strukture civilne zaštite, koji poslove zaštite od požara obavljaju u skladu sa odredbama Zakona o zaštiti od požara, Zakona o zaštiti i spašavanju od prirodnih i drugih nesreća, provedbenim propisima donesenim na osnovu ovih Zakona, kao i odredbama ove Odluke.

POGLAVLJE II. Programiranje razvoja zaštite od požara i vatrogastva

V

- (1) Programiranje razvoja zaštite od požara i vatrogastva iz nadležnosti Općine vrši se u okviru Programa razvoja zaštite i spašavanja Općine, a u skladu sa Procjenom ugroženosti od požara područja Općine i drugih činjenica važnih za programiranje.
- (2) Programiranje razvoja zaštite od požara i vatrogastva vrši se na period od najmanje pet godina.

VI

U skladu sa Procjenom ugroženosti od požara Općine, kadrovski materijalnim i drugim uslovima utvrđuje se struktura vatrogasnih snaga. Osnovne snage za obavljanje vatrogasne djelatnosti su:

- profesionalne vatrogasne jedinice, koje osniva kanton i općina,
- dobrovoljne vatrogasne jedinice koje osnivaju dobrovoljna vatrogasna društva i vatrogasne jedinice pravnih lica, koje predstavljaju dopunske snage za vatrogastvo,
- jedinice i povjerenici civilne zaštite, službe zaštite i spašavanja, organi uprave civilne zaštite i štabovi civilne zaštite,
- operativni centri civilne zaštite koji osiguravaju komunikacijsko-informacijsku podršku štabovima civilne zaštite i drugim organima, koji rukovode akcijama zaštite na području ugroženom od požara.

Profesionalnu vatrogasnu jedinicu čine vatrogasci koji se nalaze u radnom odnosu u organima uprave civilne zaštite u skladu sa Zakonom o zaštiti od požara.

VII

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj; _____/20

Datum; _____/2020.godine

Predsjedavajuća Općionskog vijeća Ilijaš

Alma Omerović BA nov.

Obrazloženje

Pravni osnov za donošenje ove Odluke je:

Član 16. stav 1. tačka 1 i 5. Zakona o zaštiti od požara i vatrogastva ("Službene novine Federacije BiH", broj 64/09, gdje je navedeno da je u nadležnosti općine da donose Odluku o organizovanju i funkcionisanju zaštite od požara i vatrogastva, kao i plan zaštite od požara na njenom području;

Članovi 8. i 9. Zakona o nadležnosti organa vlasti Kantona Sarajevo u oblasti zaštite od požara i vatrogastva ("Službene novine Kantona Sarajevo", broj 23/11), kojima su propisane nadležnosti općine (općinskog vijeća, općinskog načelnika, općinskog štaba CZ i općinskih službi) u organizovanju i vršenju svih poslova koji su dati Zakonom o zaštiti od požara i vatrogastva.;

Član 104. Statuta Općine Ilijaš ("Sl.novine Kantona Sarajevo br. 29/09 prečišćeni tekst), kojim je utvrđena nadležnost Općinskog vijeća za donošenje propisa i drugih akata iz djelokruga rada Općinskog vijeća.

Razlog za donošenje ove Odluke je;

Potreba za donošenjem općinskih propisa u skladu sa Zakonom o zaštiti od požara i vatrogastvu ("Službene novine Federacije BiH", broj 64/09, Zakona o nadležnosti organa vlasti Kantona Sarajevo u oblasti zaštite od požara i vatrogastva ("Službene novine Kantona Sarajevo", broj 23/11) , pa se predlaže Općinskom Vijeću da donese navedenu Odluku.

Pripremila Služba civilne zaštite

Ilijaš 2020. godine

Predlagač:

OPĆINSKI NAČELNIK

Akif Fazlić, dipl. ecc.